

ZAPISNIK

sa 13. vanredne sjednice Senata Univerziteta održane 09.10.2009. godine sa početkom u 12,00 sati, završetkom u 15,30 i nastavkom sjednice održane 12.10.2009. sa početkom u 13,00 sati i završetkom u 15,30 sati u sali za sjednice Rektorata Univerziteta u Tuzli

Sjednicom je predsjedavao prof.dr. Džemo Tufekčić – rektor Univerziteta u Tuzli.

Sjednici su prisustvovali slijedeći članovi Senata: prof.dr. Admedina Savković, prof.dr. Edin Delić, prof.dr. Snježana Marić, prof. Vlado Kerošević, doc.dr. Mirela Duranović, doc.dr. Aljo Mujčić, prof.dr. Lejla Begić, prof.dr. Branimir Mikić, doc.dr. Bego Omerčević, prof.dr. Izet Alić, prof.dr. Ramiz Šelo, prof.dr. Farid Ljuca, doc.dr. Hajro Kofrc, prof.dr. Izudin Hasanović, prof.dr. Salih Kulenović, prof.dr. Abdulah Bašić, prof.dr. Izet Žigić, prof.dr. Mirjana Radić, prof.dr. Muhamed Bijedić, Ismet Pirić, dipl.ecc., Edin Eminović, Azra Tinjić i Denis Talović, studenti.

Sjednici nisu prisustvovali: prof.dr. Mirsad Đonlagić, prof.dr. Srđan Vukadinović, prof.dr. Nevzeta Salihović, prof.dr. Reuf Kapić, prof.dr. Izudin Kešetović, doc.dr. Amir Tokić, prof.dr. Zlata Mujagić, prof.dr. Alija Biberović, prof.dr. Azem Kožar, prof.dr. Elmir Čičkušić i prof.dr. Fehim Dedagić.

Osim članova Senata sjednici su prisustvovali: Jasmina Berbić, dipl.pravnik - generalni sekretar Univerziteta, doc.dr. Hatidža Pašalić – prodekan i Mirsada Delić, dipl.pravnik – sekretar Senata.

Za ovu sjednicu utvrđen slijedeći

DNEVNI RED

1. Informacija Kolegija Vlade TK vezano za razmatranje prijedloga Statuta Univerziteta u Tuzli broj: 02/1-38-17205/09 od 09.10.2009. godine
2. Studentska pitanja
 - 2.1. Razmatranje zahtjeva Unije studenata Univerziteta u Tuzli u cilju rješavanja problema studenata

TAČKA 1.

INFORMACIJA KOLEGIJA VLADE TK VEZANO ZA RAZMATRANJE PRIJEDLOGA STATUTA UNIVERZITETA U TUZLI BROJ: 02/1-38-17205/09 OD 09.10.2009. GODINE

Nakon upoznavanja sa Informacijom Kolegija Vlade TK vezano za razmatranje Prijedloga Statuta Univerziteta u Tuzli broj: 02/1-38-17205/09 od 09.10.2009. godine, Kolegij je zauzeo stav da predmetni Prijedlog Statuta nije pripremljen za razmatranje i izjašnjavanje na sjednici Vlade sve do njegovog konačnog usaglašavanja, o čemu će Vladu Kantona, na odgovarajući način, obavijestiti resorna ministarstva i Univerzitet u Tuzli.

U vezi sa navedenim obavljena je iscrpna rasprava u kojoj je učestvovala većina članova Senata, o čemu postoji i tonski zapis, nakon čega je Senat Univerziteta donio

ODLUKU

1. Prekida se nastava na svim fakultetima/Akademiji Univerziteta u Tuzli u akademskoj 2009/2010. godini, na svim studijskim godinama, do ispunjenja uvjeta Senata Univerziteta.
2. Bezuslovno se traži od Vlade Tuzlanskog kantona da da saglasnost na Statut Univerziteta u Tuzli, kao pravni okvir za stvaranje uslova za nesmetan nastavak započete nastave na fakultetima/Akademiji Univerziteta u Tuzli u akademskoj 2009/2010. godini.
3. Obavezuju se nastavnici, saradnici i svo ostalo zaposleno osoblje Univerziteta u Tuzli da redovno izvršavaju sve svoje obaveze, osim izvođenja nastave.
4. Menadžment Univerziteta u Tuzli nema mandat za dalje pregovaranje po eventualnim izmjenama konačnog teksta Prijedloga Statuta Univerziteta u Tuzli.

U vezi sa navedenom Odlukom, donesen je i slijedeći

1.1. ZAKLJUČAK

Ovlašćuje se menadžment Univerziteta u Tuzli, da pregovara sa Unijom studenata Univerziteta u Tuzli, nakon ispunjavanja postavljenih zahtjeva iz Odluke Senata Univerziteta u Tuzli broj: 03-7926-1/09 od 09.10.2009. godine.

TAČKA 2.

STUDENTSKA PITANJA

2.1. Razmatranje zahtjeva Unije studenata Univerziteta u Tuzli u cilju rješavanja problema studenata

U Sali za sjednice Rektorata Univerziteta u Tuzli, dana 12.10.2009. godine održan je sastanak Kolegija Rektora u proširenom sastavu, na kome su bili prisutni i ostali članovi Senata Univerziteta, predstavnici studenata i Kurtović Hadže, dipl.pravnik – sekretar Ministarstva obrazovanja, nauke, kulture i sporta TK.

Na nastavku sjednice ponovo se raspravljalo o aktuelnoj problematici i zahtjevu USUT-a, u cilju rješavanja problema studenata i prekidu nastave, zbog čega je prema informaciji Generalnog sekretara Univerziteta, u toku dana na Univerzitetu obavljen i inspekcijski nadzor od strane predstavnika resornog Ministarstva.

Razmatrajući zahtjeve USUT-a prema Univerzitetu u Tuzli, obavljena je iscrpna rasprava, nakon čega je Senat Univerziteta donio

2.1. ODLUKU o stavljanju van snage Odluke Senata Univerziteta od 07.10.2009. godine

I

Stavlja se van snage Odluka Senata Univerziteta broj: 03-7530-6/09 od 07.10.2009. godine, o upisu studenata u II godinu, vezano za plaćanje školarine (primjena člana 125. stav 3. Zakona o visokom obrazovanju).

U vezi sa navedenom Odlukom doneseni su i slijedeći

2.1.1. ZAKLJUČCI

1. Interna evaluacija nastavnih planova i programa na Univerzitetu u Tuzli je u toku.
2. Na Prirodno-matematičkom fakultetu Univerziteta u Tuzli, ima se održati dekanski ispitni termin do 26.10.2009. godine.
3. Zadužuje se USUT da dostavi spisak gostujućih profesora i nastavnog osoblja sa Univerziteta u Tuzli, koji nisu ispoštovali održavanje predavanja i ispita u akademskoj 2008/09. godini, kako bi se na osnovu ukazane potrebe spriječilo zaključivanje ugovora za akademsku 2009/10. godinu.
4. U Statutu Univerziteta u Tuzli redefinisat će se stav 4. člana 206., koji reguliše uslove pod kojima studenti iz statusa SVP prelaze u status studenta koji ne plaća školarinu, uz obavezu kompenzacije neoprihodovanih finansijskih sredstava od strane osnivača.

Drugih pitanja i informacija nije bilo pa je sjednica Senata Univerziteta u Tuzli završena u 15,30 sati.

ZAPISNIK SAČINILA

**PREDSJEDNIK
SENATA UNIVERZITETA**

Mirsada Delić, dipl.pravnik

Dr.sc. Džemo Tufekčić, red.prof.

UNIVERZITET U TUZLI

Broj: 03-7926-1/09.

Tuzla, 09. i 12.10.2009. godine